

KEJOHANAN SUKAN 'BONE OF CONTENTION 2019'

airforce.mil.my/berita/berita-dari-pangkalan/5571-kejohanan-sukan-bone-of-contention-2019

LABUAN, 30 Okt 19 - Wisma Perwira Pangkalan Udara Labuan telah menganjurkan Kejohanan Sukan 'Bone of Contention' yang menjadi aktiviti sukan tahunan melibatkan ahli Wisma Perwira dan ahli Wisma Bintara pangkalan termasuk MAWILUD 2.

Kejohanan sukan ini diadakan bertujuan untuk mengeratkan hubungan silaturrahim antara ahli Wisma Perwira dengan Wisma Bintara di samping menerapkan amalan bersukan dan gaya hidup sihat di kalangan anggota.

Sebanyak empat acara sukan dipertandingkan dalam kejohanan yang berlangsung dari 21 hingga 24 Okt 19 lalu. Outdoor sports menjadi pilihan penganjur pada tahun ini, antaranya ialah badminton, futsal, road relay dan bola sepak.

Komander Pangkalan, Brig Jen Mahadzer bin Amin TUDM telah menyempurnakan penyampaian hadiah kepada pemenang semasa Majlis Penutup Kejohanan Sukan Bone of Contention 2019 dan Wisma Bintara telah dinobatkan sebagai Johan Keseluruhan. Beliau juga berharap agar aktiviti sukan yang bermanfaat seperti ini akan diteruskan pada tahun akan datang.



